



Duhgou Dwgggyaez

可爱的我

Gou dwg dah niq cibfaen vued-bued haengj doengh ndeu, doengzseiz gou hix gig rox gangjriu, ciengzseiz daeuq dwk daihgya got dungx rihaha. Miz baez ndeu, boux baengzyoux gou Cizciz roeb daengz gij saeh mbouj haisim, roengzdangz le naengh youq dieгнаengh naj saepsaengsaeng. Gou laeglemx byaij daengz henz ndang de, niuj aenndaeng, hob aenbak, hag gij sing duzchwz geq doiq de naeuz: "Gou yaek gouzgouz dahsau swnh-sienh, hawj aen mandouz hau gou bienqbaenz aen hanbaujbauh mwngz ceiq gyaez gwn haenx soengq hawj mwngz." "Ha ha ha!" De doq deng gou daeuq angq lo, gij nyapnyuk ndaw dungx cungj gveng daengz gwnz fwj bae lo. Baez daengz goqhozdung ndaw ban, gij cezmuz gou biujyenj haenx

cungj dwg ndaej daengz gyoengq doengzhag bekwngz gopgop gok lumj byajraez nei, caezgya cungj heuh gou "maksimhai", ndaw hoz gou beij gwn diengzrwi lij diemz.

Gou lij gig gyaez doegsaw. Saw hawj gou youq ndaw haijyangz cihsiz bonghyouz, de soengq hawj gou sawcuenh doenghsim, gosei gyaeu-ndei, dungzva gamjdoengh vunz Miz baez ndeu, gou cingq yinxsi doiq de 《Siuj Yinghyungz Yij Laiz》, daxmeh heuh gou son daegnuengx veh veh, ndaw bak gou dapwngq, cix itmienh lij doegsaw, itmienh gaem bit youq gwnz "ceij" luenh veh, deq gou yawj saw sat, caiq yawjyawj gij veh gou, doeksatyak, diuz buh moq daxmeh ngamq cawx haenx daz rim gij rizveh raemxmaeg. "Mwngz neix

guh gijmaz? Gij uq neix gig hoj swiq seuq dah!" Daxmeh hemqyatyat. Gou mwh gip bienq gvai, ngeix hwnj gij banhgap ndaw bwzgoz cenzsuh: Youq gwnz rizveh raemxmaeg daz hwnj caengz ciujcingh ndeu, aeu biubwz-faen raix roengz ndaw raemxmaeg bae gyauxhoed, riengzlaeng caiq gya didi sijyihfaen, cuengq gij buh daz ciujcingh haenx roengz ndaw raemx sijyihfaen bae cimq yaep he. Daxmeh ciuq gij banhgap gou bae guh, dahraix, de loh ok aennaj riunyumnyum: "Lij dwg yaek lai doegsaw ho!" Gou angq-vauvau lumhlumh laenggyaeu.

Neix couh dwg gwnz seiqgyaiq gagdog daegbied gou, mwngz nyienheiq caeuq gou guh baengzyoux lwi?

(bouxsi: Sam nienzgaep Ciz Yuiying Bouxhoiz: Goenggen)

Cug diuz mengqriengmax iqetet ndeu, baihlaj meizda lumj mbawliux vanvan haenx maj miz fouq da hung sawrikrik ndeu, daegbied miz saenz, caiq dem hwnj aen bak rox gangj rox cej ndeu, couh dwg duhgou boux dwgggyaez —Ciz Yuiyingj.

Daxbuz Hauqswnh

孝顺的奶奶

Daxbuz gou roekcib lai bi, dwg boux bouxlaux lajmbanj bingzciengz he. Mboujgvaq mwngz gaej yawjsiuj daxbuz, de dwg lwgbawx hauqswnh gaenhlazn mbanj gig okmingz he bw.

Daxbuz doiq buzgeq gou gig gvensim. Moix baez buzgeq daeu ranz gou youq, daxbuz cungj dwg bang de ndawndaw rogrog swiq ndaej seuqsatsat, hawj de vuenh hwnj buhvaq daenj ndaej cwxcaih haenx. Daxbuz lij cawj gij haeux-byaek hab buzgeq gwn haenx. Moix baez yawjraen gij haeuxbyaek cawj hawj buzgeq haenx, gou cungj ngah ndaej myaiz rihragrag, cungj siengj caeg gwn geij gaemz. Moix haemh, daxbuz cungj caeuq buzgeq doxcaez ninz. Buzgeq

nienzgeij laux lo, ninz mbouj ndaek, cungj gangjah mbouj dingz, daxbuz couh buenx buzgeq gangjah. Ndigah daxbuz cungj mbouj ndaej ninz ndei saek hwnz. Bouxwnq lawh de saek haemh, de cungj mbouj hawj.

Miz baez ndeu, buzgeq okhaex youq dangzvaq, neix dwg daxbuz ngamq bang de vuenh gvaq ne, gou guj daxbuz haengjdingh fatheiq lo, hoeng mbouj siengj daengz, daxbuz mboujdan mbouj fatheiq, lij naihsim bang buzgeq vuenhsaeg. Gij heiqhaeu haeu raixcaix, gou nyouq daengz cungj siengj rueg, daxbuz cix lumj mbouj nyouq daengz heiqhaeu, lij mbouj dingz nai buzgeq.

Daxbuz baenzneix sinhoj, cix



mbouj ienq sinhoj gvaq, lij doiq gou naeuz: "Buzgeq mwngz mwh coz gwnhaemz daiq lai lo, mbouj yiengj gvaq gijmaz fuk. De vih aenranz raeuz guh hauilai, seizneix de geq lo, raeuz yaek lai hauqswnh de di." Dingq daengz gij vah neix, ndawsim couh gag doiq daxbuz ginqcungh hwnjdaeu.

Seizneix, daxbuz gaenq miz di hwetgungq lo, gou rox de dwg vih aen ranz gou naetnaiq lai. Gou vih gou miz daxbuz baenzneix gamj-daengz miznaj, de dwg buengji-yiengh gou hagsib.

(seiq nienzgaep Yangz Swjyi)

Lai Gwn Raemxmaeg

多喝墨水

Miz ngoenz ndeu, lauxsae hawj gyoengq doengzhag ganggangj gij lijsiengj swheij. Gou naeuz: "Gou siengj dang boux cozyah he." Lauxsae naeuz: "Mingzhauz, lijsiengj mwngz gig ndei, hoeng baenz boux cozyah he mbouj yungzheih. Cozyah cungj dwg gij vunz gwn gvaq raemxmaeg, ndaw dungx miz raemxmaeg gig lai." Gou naeuz: "Lauxsae, neix heih lai lo, gou heuh boh gou lai cawx geij bingz raemxmaeg, gou gwn lai di, ndaw dungx raemxmaeg couh lai lo, neix mbouj couh baenz boux cozyah luma?" Daengx ban doengzhag cungj riu lo. Lauxsae naeuz: "Eiqsei lai gwn raemxmaeg dwg lai hagsib, lai doegsaw, lai dem cihsiz."

(ngeih nienzgaep Cangh Mingzhauz)

Ngoenzhaenx, duzmoed Diemj-diemi caeuq Mozmoz cingq youq ndaw ranz guhcaemz. Boh'au Duzmoed byaij haeu ranz daeu, naeuz: "Song lwg mwngz, raeuz yaek caeuq duzrwi hai baez hoihlienzyuen he, siengj baij song boux sou ndawde boux he guh bouxlienzyloz duzrwi, sou byawz yaek bae ha?"

"Gou bae, gou bae!" Diemjdiemj caeuq Mozmoz ciengj dwk naeuz.

"Yienghneix gou couh gaujgauj sou, byawz dap doiq le couh hawj byawz bae." Boh'au duzmoed naeuz, "Duzmoed camgya hoihlienzyuen haenx beij duzrwi lai 12 duz, duzmoed caeuq duzrwi gak gemj bae 6 duz le, gij soq duzmoed dwg duzrwi 2 boix. Duzmoed caeuq duzrwi camgya hoihlienzyuen haenx gak miz geijlai duz?"

Suzyoz mizyinx

Ceng Dang Bouxlienzyloz

争当联络员

"Aenneix....." Mozmoz gaeu-gaeu gyaeu, mbouj rox baenzlawz suenq.


Diemjdiemj siengjsiengj le naeuz: "Gou rox lo, duzmoed dwg 30 duz, duzrwi dwg 18 duz."

Diemjdiemj veh dozsieng okdaeu, daekeiq dwk naeuz: "Duzmoed beij duzrwi lai 12 duz (lumj doz 1), duzmoed caeuq duzrwi gak gemj bae 6 duz le, duzmoed lij beij duzrwi lai 12 duz (lumj doz 2). Seizde,

soq duzmoed dwg duzrwi 2 boix. Ndae suenq ok duzrwi gemj bae 6 duz le dwg 12 duz. Ndigah, duzrwi dwg 18 duz, duzmoed dwg 18+12=30 (duz)."

"Caen coengmingz!" Boh'au duzmoed angq dwk naeuz: "Bouxlienzyloz neix couh hawj mwngz daeu dang ba."

Diemjdiemj yawjraen Mozmoz mbwnj aenbak ndwn youq gizde, couh doiq boh'au duzmoed naeuz: "Gou siengj hawj Mozmoz buenx gou bae, ndaej lwi?"



"Ndei ha, yienghneix sou couh doxcaez bae ba! Geiq ndaej, gienh saeh neix itdingh banh ndaej ndei bw." Boh'au duzmoed naeuz.

"Baujingq banh ndaej ndei." Diemjdiemj caeuq Mozmoz angq dwk naeuz.

(Cwng Siujfungh)